

元始无量度人上品妙經卷之四十二

祈求嗣續慶延門閥品

道言昔於太始廣生天中紫霄洞歌大福樂土受元始度人所求嗣續慶延門閥妙品元始天尊當說是經周迴十過以召十方始當詣座天真大神上聖高尊妙行真人無鞅數眾乘空而來香靄浮烟翔鸞隨蓋赤光前擲瑤車轉雷縹彩仙雲絢葆千色洞煥太空七日七夜諸天海嶽交碧揚霞日月星宿凝明並照神風遠襲玉巖露輝天翠高虛絳氣飄衍一國地土山川林木鑑潔緬平仰矚毫髮重影沓見萬象同規土成柔玉紺青一色眾真侍座元始天尊玄坐空浮藥珠寶臺之上說經一徧諸

道藏輯要

度人妙經

六

九集二
X 111

天大聖同時稱善是時一國男女悟識生根說經二徧定觀本元不落苦趣說經三徧咸知至道生育之宗說經四徧生逢聖運爲賢哲士說經五徧心行孝慈善於養老說經六徧陰陽合德感化靈胎說經七徧得至法門生道不絕說經八徧雖有受生不爲愛慾持結淫想說經九徧曉解希微雌雄混合理參洞玄說經十徧一切有情永延嗣續慶流海宇福及幽明是時一國是男是女莫不傾心皆受護度咸得長生

道言是時元始天尊說經一徧東方无極無量品始生雲芽玄露大神無鞅之眾浮空而至說經二徧南方无極无量品明性雲芽寶華大神无鞅之眾浮空而至說經三徧西方无極无量

品大素雲芽感化大神无鞅之眾浮空而至說經四徧北方无
極无量品神水雲芽定嬰大神无鞅之眾浮空而至說經五徧
東北无極无量品受識雲芽明智大神无鞅之眾浮空而至說
經六徧東南无極无量品縷絡雲芽攝用大神无鞅之眾浮空
而至說經七徧西南无極无量品賢質雲芽主福大神无鞅之
眾浮空而至說經八徧西北无極无量品陽運雲芽健育大神
无鞅之眾浮空而至說經九徧上方无極无量品碧齒雲芽九
宮大神无鞅之眾浮空而至說經十徧下方无極无量品靈藏
雲芽復命大神无鞅之眾浮空而至十徧周竟十方无極天真
玄化大神一時同至一國男女傾心歸仰悉悟道元傳立嗣續
道藏輯要

度人妙經

七

九集二

入文三

生化之基繼其本宗聯芳襲慶其生无窮來者有如細雨密霧
无鞅之眾迨國一半土皆徧陷非可禁止元始大慈欲使无量
眾生明識造化之先至道之奧所以妙極隱諱者爲明雌一雄
一之神偶而爲交混合百神徊烟散風化生真一卽是人備至
祕之道雖飛仙列真未得道時皆以雲珠下投金液玄妙感合
生此靈胎神氣充備內顯真身无動之體開演祈求嗣續慶延
門闕之法存念生根始由元氣元氣之精微細如纖粒於是懸
一寶珠大如黍米在空玄之中去地十丈元始登引天真大神
上聖高尊妙行真人十方无極至真雲芽生化玉嬰真子大神
无鞅數眾俱入寶珠之中天人仰看惟見拂拂從珠口中入旣

入珠口不知所在國人廓散地還平正无復欹陷元始卽於寶珠之內化舍蓮胎嬰之相說經都竟眾眞監度以授於我當此之時喜慶難言法事粗悉諸天復位倏歛之間寂无遺響是時天人遇值經法嗣續昌隆福慶來臻全其本年无有中傷傾土歸仰咸行善心行惠行和行弱行化行悲行恕行儉行慈行定行仁言無唱宗口无佞聲齊同慈愛異骨成親國安民豐欣樂太平經始出教一國以道預有至心崇奉禮敬皆得度世

道言元始天尊說經中所言並是諸天上帝內名生神育嬰隱韻之音亦是眞魔內諱混化變胎以致嗣續慶延世系百靈之隱名也非世之常辭開闡大法明道根元初從胎育朱精白鉛

道藏輯要

度人妙經

六

九集二

和混萬過三一鼓舞玉飴哺靈流珠啟明帝妃僊賡紫胞圻落天嬰挺生號曰眞一字曰精延爲形之主百神之尊固道元命生道眞身爾欲祈求賢嗣門戶亨榮使无絕氣與道无边惟已得道大聖能悉其章誦之十過諸天遙唱萬帝設禮聖母破券司命定生監魂益善福慶駢蕃羣魔束形鬼精滅爽回屍起死返胎更生至學之士誦之十過則天后衛房三界唱恭天機上相注命得生嗣續傳世慶延門閥濟度生厄絕而保完所以爾者學士外滌世殄內臻化淵童君捧篋女君奏墳聲和神布妙諱乃傳道胎靈孕嬰息自然召制十方保鍊胎仙克隆嘉嗣無有天殤輕誦此章身則被殃供養尊禮門閥慶延世世昌熾與

善因緣萬災不干神明護門斯經尊妙獨步玉京度人无量爲生道之宗巍巍大範德難可勝

道言凡誦是經十過諸天齊到爲爾開呈生錄降嗣繼賢永大仙宗億曾萬祖幽魂苦爽皆卽受度上昇朱宮格皆九年受化更生得爲貴人而好學至經功滿德就嗣孫應仙葉葉受道門闕慶延皆得飛昇金闕遊宴玉京也上學之士修誦是經爲諸生民祈求嗣續使生道不絕民獲有後祭祀祖玄陰德垂裕皆卽受度飛昇南宮世人受誦胃系綿昌則延壽長年後皆得作尸解之道魂神暫滅不經地獄卽得返形遊行太空此經微妙普度无窮一切天人莫不受慶无量之福生死蒙惠上天所寶

道藏輯要

度人妙經

九

九集二

不傳下世至土齋金寶效心盟天而傳輕泄漏慢殃及九祖長役冥官侍經五帝王童玉女各二十四人營衛神文保護受經者身

道言正月長齋誦詠是經祈求嗣續慶延門闕感神真風火之君傳降台光使命得生智識明秀人中之英拔度上世亡魂斷地逮役升上南宮七月長齋誦詠是經祈求嗣續慶延門闕感金真黃室之氣傳降幽精使形得備宮室內固百神入胎身得神仙諸天書名黃錄白簡削死上生十月長齋誦詠是經祈求嗣續慶延門闕感太玄真一之精傳降爽靈使性徹寥漠慧通九冥懸知吉先與化同營爲國王帝主祈請聖嗣璇璣萬芳百

靈稱慶普天蒙福安鎮國祚保天長存世世不絕常爲人君安
鎮其方民稱太平八節之日誦詠是經爲諸絕嗣眾生降致道
氣咸使有子克基其家得爲九宮真人本命之日誦詠是經三
元返嬰白珠凝神道父道母長守泥丸司命定籍伯華益年魂
神澄正萬氣長存不經苦惱身有光明三界侍衛五帝司迎萬
神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐五色雲氣
之中內外翳冥有青龍白虎朱雀玄武獅子白鶴羅列左右
日月照明洞煥室內項生圓象光映十方如此分明密咒曰

道藏輯要

度人妙經

三

九集二
川川入

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前

畢

引炁三十二過東向誦經

元始無量度人上品妙經

元始洞玄靈寶本章祈嗣慶門生化度人雌雄隱韻混合自然
空生三氣氣變赤文元始祖劫化生諸天對明雙景是起天根
傳氣立祖法道爲身五文開廓五臟棲神上有天闕虛適羣仙
經絡血脈是爲至靈威制萬類身備天經傳孕嗣續紹祖列孫
祈求勝氣貴慶來庭胞胎受真羅列交纏碧縷貫瞳綠繒爲筋
定爲仙宗應登高玄體有朱誌舌有錦文三萬六千神符繞身
永輔帝化飛昇玉宸下逮民物皆著公文流布大梵身中之天
頭爲蕭臺腦爲玉山委曲九回宮室相連前有明堂赤鑑三君
後有玄堂九祖七玄注記嗣續保慶家門元辰簡奏天馬驛傳

道藏輯要

度人妙經

三

元集二
卷上

定子注孫繼續本先方寸虛盈列坐高真紫衣絳裳狀如天嬰
節會谿谷皆爲玉京百神會身渺渺劫仞若亡若存三華離便
大有妙庭金闕玉房森羅淨靈大行梵氣周迴十方中有度人
不死之神中有南極感降嗣續長生之君中有度世司馬大神
中有好生韓君丈人中有南上司命司錄延壽益算度厄尊神
迴骸起死无量度人今日校錄諸天臨軒

東方无極飛天主福神王長生大聖无量度人
南方无極飛天主定生神王長生大聖无量度人
西方无極飛天主嗣神王長生大聖无量度人
北方无極飛天錫慶神王長生大聖无量度人

東北无極飛天益算神王長生大聖无量度人
東南无極飛天增品神王長生大聖无量度人
西南无極飛天送生神王長生大聖无量度人
西北无極飛天度厄神王長生大聖无量度人
上方无極飛天進德神王長生大聖无量度人
下方无極飛天輔聖神王長生大聖无量度人

十方至真飛天降慶神王長生度世无量大神並乘輕霄流輶
翠霞瓊輦星車羽蓋綺仗風輪驂駕碧鳳神虎蒼龍建萬華之
節天騎靈旛前嘯九靈齊唱後吹八音同鳴獅子飛天嘯歌囉
囉五老啟途羣仙翼轅億乘萬騎浮空而來領光回駕降嬰度
道藏輯要

度人妙經

三

九集二
XOII

生南昌上宰天機丞相金闕侍郎太玄司命紫靈仙君韓司主
錄監生大神執錄把籍齊到帝前隨所祈應生息蕃滋計考命
祿嚴校諸天普告三界无極神鄉泉曲之府北都羅酆三官九
府十二河源欲致貴勝嗣續綿綿上解祖考億劫種親疾除罪
簿落滅惡根不得拘留逼合鬼羣元始符命時刻升遷北都寒
池部衛形魂制魔保舉度品南宮死魂受鍊仙化成人身受
度劫劫長存隨劫輪轉與天齊年永度三途五苦八難超凌三
界逍遙上清上清之天天帝洞曜無色之境梵行

東方八天

十華招慶天

帝洞覺好生

勝宗益賢天

帝定世茂玄

澡明鍊光天

帝陀明尚英

龍種玉嬰天

帝觀福廣營

祖極承圖天

帝妙無常生

化樞運陽天

帝肖真元昆

歷符應台天

帝果都祕空

傳福佑生天

帝納液合烟

南方八天

光動降識天

帝知無垠

辨息理明天

帝務延宗

道藏輯要

度人妙經

三

元集二

康回遼澤天

帝順子榮

傳機宗道天

帝情何靈

孝始慶初天

帝始育上求

素開皓都天

帝玉蘭齊瑰

繪微延霞天

帝寂仙自盈

盟系靄豐天

帝屹多喬暉

西方八天

景祈報慶天

帝伯雲郁羅

辨華棄欲天

帝真交命神

冥緘密陽天

帝兆先祉包

溫醴濯支天

帝乘氣赴儀

敦道亨成天

帝握符通

窈洞邁甫天

帝力孟成

日灌彩裔天

帝鹿本太王

九華含露天

帝靜延定明

北方八天

冥婁總靈天

帝孕咸同周

料度正緒天

帝寥持野舒

積曜部俞天

帝變麒麟

綱需第容天

帝霞泮聰

道藏輯要

度人妙經

孟

九集二

淨變卵珠天

帝窮宅報恩

述真祀常天

帝管師遙雷

默抱蘊和天

帝揚嘉神英

鬱華九微天

帝醜並福完

三十二天三十二帝諸天隱諱生化之機諸天隱名育嬰徽稱和陽合陰繼世嗣民神出空洞芒芽句苗自然靈章上真隱名召氣之音帝一胎尊結節之靈上隸真魔育嬰之仙九陽和真十陰合神命嗣榮耀門閭慶延无量之奧深不可詳敷落神真普度天人今日告祈受度歷關諸天請滅胎注斬絕邪祇誕子元殤命通太玄司命監舉无拘生門東斗稟氣西斗鑄形北斗

降魄南斗賜魂中斗內主泥丸尊神七寶宮室窓牖分明神氣
衝溢總監眾靈青帝護魂白帝侍魄赤帝養氣黑帝通血黃帝
中主萬神无越青天魔王怒役威明赤天魔王變遷守真白天
魔王憤擊虛成黑天魔王車轂玄冥黃天魔王持犯互爭五帝
大魔萬神之宗飛行鼓從總領鬼兵麾幢鼓節遊行太空恍惚
无常下入身中潛伏六根時巡九宮自頂達踵无不停容兆祈
嗣續願生天童淨蕩胎穢嚴攝北酆神王受命普掃不祥玉女
抱黃繡襦金璫聖母護生福慶堂堂都吏甲馬搜捕災殃神吏
甲馬斬付天綱擲火萬里流鈴八衝敢有厭魅拒遏胎嬰金鉞
前戮巨天後刑屠割鬼爽風火无停千千截首萬萬剪形魔无

道藏輯要

度人妙經

三

九集二
×××

于犯鬼无祆精三官北酆明檢鬼營不得容隱金馬驛呈普告
无窮萬神咸聽三界五帝列言上清元造開始龍漢延康體同
人胎混沌相包眼爲日月頭爲崑崙眉爲華蓋髮爲山林腸胃
江海呼吸風雲聲爲雷霆出初光明眇眇億劫其氣渾淪上无
復色下无復淵風澤洞虛金剛乘天天生地育外護百關金氣
堅剛質彊姿頑立劫之初无幽无冥无形无影无極无窮溟滓
大梵遼廓无光赤明開圖運度自然元始安鎮敷落五篇赤書
玉字八威龍文保制劫運使天長存爾將降胎百神内存太一
幽寥來遇父甯玉真徹視華萼流芳紫脈降絡曲折靈文腦膜
丹縷自然流雲固攝命根使命長生梵氣彌羅萬範開張元綱

流演三十二天輪轉无色周迴十方旋斗歷箕回度五常三十
五分總氣上元八景冥合氣入玄玄玄中太皇上帝高真泛景
太霞嘯詠洞章金真明郁流響雲營玉音攝氣靈風聚烟紫虛
鬱秀輔翼萬仙祈求嗣續繼先承門風迴烟繞紫虛梵胞千和
萬合自然成嬰嬰真有神長生大君太乙主生司命紀年桃康
合體造精丹田執符把籙保命生根上遊上清出入華房八冥
之內細微之中永鎮人身泥丸絳宮中理五氣混合百神十轉
迴靈高齊仙仙道貴生无量度人上開化源生如飛輪罪福
禁戒宿命因緣普受開度死魂生身身得受生上聞諸天諸天
之上各有生門中有空洞謠歌之章真王靈篇辭參高真

道藏輯要

度人妙經

三

九集二
川上川

第一欲界祈嗣迎慶之音

人道維何

子孫是佑

祖幹孫枝

英房實茂

世當綿派

淵胄遠久

積德賜賢嗣

上帝垂慶延

稔惡斷爾續

哀爾淪重泉

帝心本無私

福報爲善緣

生民實嗣孫

黑錄在三天

悔過祈至真

首罪露誠丹

司命赦刑籍

玉女抱真還

爲爾千年後

積善廣真源

金車登紫庭

慶祥若邱山

第二區生定嬰之章

眞一玄一

合爲天精

飛霞墮珠

受胎爲人

和氣肇元

形模乃全

精延入勝

知而能言

識明眞妙

文武經綸

爲帝爲王

爲牧爲臣

祖基爲先

嗣承厥後

生道不泯

長生妙有

積德垂代

慶系无垠

念道思眞

至聖无親

爰有簡錄

福慧生民

民亦何知

謂天无神

殺盜貪嗔

恣兆所行

不知絕緒

禍逮爾身

天官執筆

注其善功

道藏輯要

度人妙經

三

亢集二
川川

百子千孫

祿食萬鍾

兆能祈願

醮禮仙公

監生送魂

九老降容

使兆世其家

生氣永不終

故知道妙本

太陰飛千龍

第三玉帝聖子歌曰

金闕絳霄

飛龍繞嶽

碧土紫房

洞清寥廓

帝有八子

聖智神通

長生大君

赤日瞳矐

青華東桑

三天列封

蓬萊仙王

制命萬靈

神璽玉策

翠袍羽巾

是皆上靈

聖旨洪勳

况爾下民

貴繼其先

祀祖奠宗

慶延其門

明不仰至教

奏章敷玉文

召氣得賢正

祈爲聖君臣

道常愛生化

連連無斷倫

陰陽合太和

剛風舉其身

此三界之上飛空之中眞王歌音音參洞章誦之百遍道氣充盈誦之千遍羣仙監臨萬遍道備感激神靈生端潔士爲世賢人進道功業舉形上昇有聞靈音百神衛形勅制地祇出入送迎拔出地戶五苦八難七祖昇遷永離鬼官魂度朱陵受鍊更生是謂无量普度无窮有祕上天文諸天共所崇泄慢墮地獄

道藏輯要

度人妙經

卷

九集二
八〇一

禍及七祖翁

道言此二章並是諸天上帝及至靈眞王天機上宰垂糸生民注定嗣續不斷孽育流通化源使生機无盡自外得者後裔孫條孫枝擁茂自內得者雌雄神遇下接氣泉感生玉嬰稟受眞正肖顏同體紹立仙宗身得神仙分形萬億幽栖方寸神徧十方隱祕之音皆是大梵之言非世上常辭言无韻麗曲无華宛故謂玄奧難可尋詳上天所寶祕於神霄玉清上宮運當下傳垂教乃宣若有至人齎金寶質心依舊格告盟十天然後而付焉

道言夫善信之士嗣子未立先曹不繼門閭萎落或屢生女男

天殤不成纔及幼孺便卽淪沒凡有此災同氣皆當奏詞投款
祈懇上真齊心修齋六時行香十徧轉經福德立降嗣息生成
慶延積世消諸不祥无量之文普度无窮

道言夫末學道淺或福業未充祈求嗣續雖得生已未至成人
多被天害同學至人爲其行香誦經十過以度天殤如法魂神
徑上南宮隨其善功復得更生爲爾賢德之男慶延門第輪轉
不滅便得神仙

道言夫生民不知无後爲大定信此身滅已緣盡未明大道以
生氣无終世世不絕爲本九玄七祖近世祖考廢泯時祀犯禁
彌甚或年齒旣大嗣續未立旣常誕育不遂婚宦或生輒愚魯

道藏輯要

度人妙經

元

元集二
XII

慧靈不開偶得成人不循四業所習凡下遠遊无方貽親憂憤
弱穉縈疾治療无痊皆是父母先世殃注訟呼所延悉當行香
誦經祈求天司以招福慶夫齋戒誦經功德甚重上爲人君祈
嗣蕃衍下爲兆庶延續家門生死受賴其福難勝故曰无量普
度天人

道言凡有是經能爲帝主兆民行是功德祈求之日發心修齋
燒香誦經十過皆諸天記名萬神侍衛右別至人尅得爲聖君
金闕之臣諸天記人功過毫分无失天中真主亦保舉爾身得
道者乃當洞明至言也

諸天中大梵隱語无量音

道君撰

元始靈書中篇

東方八天

綠應昭符

黎學道蘇

熙南允封

契天合魚

英晃爽夕

麓素凝濡

神額誠布

聿詔大魁

鑒蹟匪回

斬永壽言

帝澤寶有

霄飛意冥

道大真龍

禳慶沛度

安祉變猷

宋勝廣定

南方八天

綺綸斗包

子還戊高

天籍司枚

道藏輯要

度人妙經

三

亢集二
川。上

福漆效嚴

笑盧忻恚

閱空辭彬

洞玄幽計

瑰罔筵頤

耐陣嶮縛

鬼首樵肥

鄒靈寄顏

辨炳牛尼

嶽驅機相

玄省都微

曜強注生

監玄仰淵

西方八天

紀景靈定

坤足邀明

遙魔彥堅

武箕婁魔

洞洪寥濱

元圖隱哥

澤奔肆宗

邱騎岐還

縣稟列暝

億健由灘

支務海洛

宜勤棣般

杳浦翹梭

欽淇徧巒

士浸蔚角

秋火戈山

北方八天

鄧梁育都

支溪通蕪

歷真离周

氏室傳俞

勿落盤渥

神鳳著審

桂皇卷鏹

謹命璫序

依攸憫遷

覺稱傲倅

雲充坡溝

孟阿邢何

龜華異邊

祕邈道琪

神曹把筵

仙碧露芝

道言此諸天中大梵隱語无量之音舊文字皆廣長一丈司命

道藏輯要

度人妙經

三

九集二
川川

大禁南宮上宰監生大神以鸞羽紫瞳之綬書於絳臺瓊房金
墉之上以爲正音大定生息道氣襲隆祕諱之要侍文玉童玉
女各六千人俠以寶華覆以龍巾有知其音能齋而誦之者諸
天皆遣飛天神王下觀其身書其功勤上奏諸天嗣續貴壽慶
延門闕大勳仙曹保舉上眞道備剋得遊行三界昇入金門此
音无所不辟无所不禳无所不度无所不成大眞自然之音也
故誦之致飛天下觀上帝遙唱萬神惠澤三界普聞羣祇束首
鬼精自亡琳琅振響十方肅清河海靜默山嶽吞烟萬靈振伏
招集羣仙天无氛穢地无祲塵冥慧洞清大量玄玄也